

**UGOVOR O NABAVCI SREDSTAVA I MATERIJALA ZA ODRŽAVANJE OPREME  
JU SREDNJA MEDICINSKA ŠKOLA – JEZERO SARAJEVO  
po direktnom sporazumu**

Ugovorne strane:

**1. JU SREDNJA MEDICINSKA ŠKOLA – JEZERO SARAJEVO**

Ulica Patriotske lige 67a

71 000 Sarajevo

ID broj: 4200645440009

Zastupana po direktoru Kulić dr. Jasminki

(u daljem tekstu: Kupac)

i

**2. „PENNY PLUS“ d.o.o.**

Ul. Igmanska bb

71 320 Vogošća,

PDV broj: 200162210002

ID broj: 4200162210002

Zastupan po direktoru Kadrić Almedinu

(u daljem tekstu: Prodavac)

**Član 1.**

Ugovorne strane su se sporazumjele da je predmet ovog ugovora nabavka sredstava i materijala za tekuće održavanje zgrade JU Srednja medicinska škola – Jezero Sarajevo za period od 15.04.-31-12.2020. godine.

**Član 2.**

Ugovorne strane su se sporazumjele da će Prodavac za potrebe Kupca isporučiti sukcesivno i blagovremeno robu po potrebama Kupca i pismenim zahtjevima, odnosno narudžbama, do ukupno ugovorenog iznosa od 6.000,00 KM sa uključenim PDV-om.

Kupac se obavezuje da u pismenoj narudžbi precizira svoje potrebe prema vrsti i količini robe, a Prodavac se obavezuje da će naručenu robu isporučiti na adresu Kupca, propisane kvalitete, količine, odmah ili po potrebi Kupca, a najkasnije 48 sati od dobijanja narudžbenice.

**Član 3.**

Prodavac je dužan da Kupcu isporuči ispravnu robu po količini i vrsti, te da za svu prodatu robu obezbjedi ispravnu prateću dokumentaciju (račun i otpremnicu).

**Član 4.**

Kupac je dužan da pri kupovini robe utvrdi kvalitet, ispravnost, količinu i cijenu preuzete robe i uporedi sa fakturisanom. Eventualne reklamacije na preuzetu robu Prodavac prima u roku od tri dana od isporuke robe, a po prijemu reklamacijskog zapisnika.

#### Član 5.

Kupac se obavezuje da će u roku od 30 dana od dana prijema računa-otpremnice po preuzimanju robe, odnosno po odobrenju isplate od strane Trezora, platiti račun za isporučenu količinu robe na jedan od transakcijskih računa firme „Penny plus“ d.o.o Sarajevo.

#### Član 6.

Ukoliko ugovorne strane dogovore rabat u pojedinim slučajevima bit će iskazan na fakturi i smatrat će se unaprijed ugovorenim.

#### Član 7.

Ovaj Ugovor se primjenjuje od dana zaključivanja ugovora do 31.12.2020. godine.  
U slučaju nepoštivanja ugovornih odredbi, ugovorne strane mogu ovaj ugovor raskinuti na osnovu pismenog zahtjeva jedne od ugovornih strana, uz otkazni rok od 15 dana.

#### Član 8.

Na druge uslove koji nisu regulisani ovim ugovorom, primjenjivat će se odredbe Zakona o obligacionim odnosima. Sve eventualne sporove ugovorne strane će rješavati prvenstveno sporazumno u duhu dobrih poslovnih odnosa i uzajamnog povjerenja.

#### Član 9.

U slučaju spora koji se ne može riješiti sporazumno, ugovorne strane su saglasne da se isti rješava pred nadležnim sudom u Sarajevu.

#### Član 10.

Ugovor je sačinjen u dva (2) istovjetna primjerka, od kojih svaka ugovorna strana zadržava po jedan (1).

Prodavac:

„Penny Plus“ d.o.o. Sarajevo

Direktor: Kadrić Almedin



PPSF.-IP-42083/2020

Kupca:

JU Srednja medicinska škola – Jezero Sarajevo

Direktor: Kulić dr. Jasminka



Broj: 07-4-17-1/2020  
Datum: 07.05.2020.

*Kulić Jasminka*